

# UGOVOR

4  
S.  
M.R.

## Za isporuku zdravstvenih legitimacija za potrebe Zavoda zdravstvenog osiguranja Kantona Sarajevo

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2 (u daljem tekstu Ugovorni organ), kojeg zastupa direktor, mr.sci.oec.prim.spec.dr. Samir Turković

i

Svjetlost-BH Print d.o.o. Sarajevo, ul. Ismeta Alajbegovića Šerbe br. 3 (u daljem tekstu Dobavljač), kojeg zastupa direktor Nedim Sinanović.

### PREDMET UGOVORA

#### Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku zdravstvenih legitimacija, a u skladu sa Odlukom o izboru najpovoljnije ponude 03-08-E.Š.-5759-OIDS/18 od 16.02.2018. godine, ponudom Dobavljača broj 16/1 od 14.02.2018. godine, Odlukom o pokretanju broj 03-08-E.Š.-5759-DSOP/18 od 13.02.2018. godine.

### PREDMET NABAVKE

#### Član 2.

Isporuka „Zdravstvenih legitimacija za potrebe Zavoda zdravstvenog osiguranja Kantona Sarajevo“ koje moraju da zadovoljavaju tehničke karakteristike i da su izrađene na osnovu Uputstva o izmjeni uputstva o sadržaju i obliku zdravstvene legitimacije “Službene novine F BiH” broj 8/13 i u količini kako slijedi u tabeli:

Redni broj	Naziv robe	Količina
1	Zdravstvena legitimacija	20.000 kom

### OBAVEZE UGOVORNIH STRANA

#### Član 3.

Dobavljač se obavezuje isporučiti robu koja je predmet ovog ugovora, koja kvalitetom u svemu odgovara karakteristikama preciziranim u Pozivu za dostavljanje ponuda broj 03-08-E.Š.-5759-PDP/18, na način i u rokovima regulisanim ovim ugovorom i ponudom Dobavljača na adresu Ugovornog organa (Ložionička br.2).

Član 4.

Ugovorni organ se obavezuje da nakon sukcesivno isporučene robe, saglasno narudžbi prihvaćeni iz ponude, ukoliko ista odgovara ugovorenom kvalitetu, plati ugovorenu cijenu na način u roku određenom u Odluci o pokretanju postupka nabavke broj 03-08-E.Š.-5759-DSOP/18, ponudom Dobavljača i ovim ugovorom.

Član 5.

Ukupna ugovorena cijana za predmet nabavke iznosi kako slijedi:

Redni broj	Opis robe	Jedinica mjere (kom)	Količina (A)	Jedinična cijena bez PDV-a (B)	Ukupna jedinična cijena bez PDV-a (C = A x B)
1.	Zdravstvena legitimacija	komad	20.000	0,289	5.780,00
Ukupna cijena bez PDV-a					<b>5.780,00</b>
Popust					-----
Ukupna cijena sa popustom bez PDV-a					5.780,00
PDV na cijenu ponude (sa uračunatim popustom)					982,60
<b>Ukupna cijena za ugovor</b>					<b>6.762,60</b>
Slovima: šesthiljadasedamstotinašezdesetdva 60/100					

Član 6.

Cijenu iz člana 5. ovog ugovora Ugovorni organ će isplatiti u roku do 60 dana računajući od dana dostavljene ispravne fakture dobavljača izdate na osnovu sukcesivno isporučene robe koja je predmet nabavke.

**ISPORUKA ROBE**

Član 7.

Dobavljač je obavezan u cjelosti izvršiti isporuku robe koja je predmet ovog ugovora u roku od 1 (jedne) godine od dana potpisivanja ovog Ugovora.

Član 8.

Prijem robe će se izvršiti u prostorijama Ugovornog organa uz sačinjavanje zapisnika.

Ukoliko se ustanovi da roba koja bude isporučena od strane dobavljača ima oštećenja ili je dostavljena bez originalnog pakovanja, ista će biti vraćena dobavljaču i zamijenjena sa ispravnom robom.

Ukoliko se nakon prijema robe uoče nedostaci koji nisu mogli biti uočeni prilikom primopredaje robe, primljena roba će biti vraćena dobavljaču uz obavezu istog da u roku do 30 dana izvrši dostavljanje ispravne robe.

#### Član 9.

Dobavljač ima pravo na produženje ugovorenog roka ako je u isporuci robe u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

#### Član 10.

Ako Dobavljač zakasni sa izvršenjem isporuke robe, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa izvršenjem isporuke robe iz razloga koji nisu obuhvaćeni članom 9. ovog Ugovora, Ugovorni organ će Dobavljaču plaćanje po fakturi za robu u kašnjenju umanjiti za 20%.

### NAKNADA ŠTETE

#### Član 11.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

### PRESTANAK UGOVORA

#### Član 12.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

#### Član 13.

Ugovor može prestati i prije njegovog izvršenja, u slučaju raskida. Ugovorni organ može raskinuti ovaj ugovor:

- ako Dobavljač ne izvrši ugovorenu obavezu,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako ugovorni organ ne bude mogao da izvršava svoje obaveze iz ugovora,

ako je došlo do neurednog izvršenja u isporuci robe koja je predmet ugovora.

Zbog neurednog izvršenja u isporuci robe, Ugovorni organ može raskinuti ugovor samo ako je do neurednog izvršenja došlo krivicom Dobavljača.

Ugovorni organ zadržava pravo da pod uslovima iz prethodnog stava fakturu po isporučenoj robi umanji za 40% vrijednosti neisporučene robe na ime naknade štete.

Ukoliko se ugovor raskine zbog krivice Dobavljača, prije izvršenja ugovornih obaveza, Dobavljač je u obavezi platiti Ugovornom organu štetu u iznosu od 40 % od ukupne ugovorene cijene iz člana 5. ovog Ugovora.

#### Član 14.

Ugovorni organ će raskinuti ugovor sa dobavljačem ukoliko se ustanovi da uzorak predmeta nabavke koji je ponuđač dostavio u ponudi i koji treba da zadovoljava tražene kriterije nije jednak isporučenoj robi koja je predmet ovog ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

### OSTALE ODREDBE

#### Član 15.

Rok za otklanjanje nedostataka ili isporuka novog predmeta nabavke je do 30 dana od dana obavijesti o reklamaciji.

#### Član 16.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje spora obratiti stvarno nadležnom sudu u Sarajevu.

#### Član 17.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

Član 18.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

ZAVRŠNE ODREDBE

Član 19.

Sastavni dio ovog ugovora su:

- Odluka o pokretanju postupka : 03-08-E.Š.-5759-DSOP/18
- Poziv za dostavljanje ponuda : 03-08-E.Š.-5759-PDP/18
- Odluka o prihvatanju ponude: 03-08-E.Š.-5759-ODS/18
- Prihvaćena ponuda Dobavljača broj: 16/1 od 14.02.2018. godine.

Član 20.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 21.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Dobavljač  
Svjetlost-BH print d.o.o.

Nedim Sinanović

Broj:

U-31/18

Datum: 23.02.2018. godine.

Ugovorni organ  
Zavod za zdravstveno osiguranje

Kantona Sarajevo

SARAJEVO

CAP JEBO

Min. zdr. i porod. pr. i spec. di. Samir Turković

Broj: 03-08-E.Š.-5759-UG/18

Datum: 21.02.2018. godine.